

泰雲堂集

泰靈堂詩集卷十四

金鑽 孫爾準 平叔

臺陽籌筆集

題三角埕郵館

過雨埕除水漲沙郵亭絕似野人家
劇憐催騎匆匆去閑殺一池紅蕩花

渡烏龍江

朝來呼渡上艤艖褶袴掩囊結束同
近海雲含鮫蜃氣截江帆走馬牛風
投簞可待濡須酌擊楫何煩祖約功
最憫潢池皆赤子數行飛檄停銷戎

坊口

數罽平田水一灣卷簾遙對隔谿山
試看暖翠浮嵐裡如在南

宮北苑間回首漁樵成寂寞驚心戎馬尙江關到來暖茗焚香
坐偷得征途半晌閑

渡臺

插羽書多日夕馳無端盜弄起潢池籌邊自弛三章法橫海方
興六月師未見軍鋒誇掃穴徒聞戍守議增埤跳梁猱子紛紛
過富道何曾畏老鰲

感事

信有人材如李蔡何曾兵志學孫吳聞風膽落清淝鶴望氣心
驚紫陌鳥和議仍煩徵甲士老謀惟說縱刑徒紛紛道路喧傳
徧意以明珠果有無

渡臺喜方嶺齋

傳繼

許少鄂

原清

至

瀛洲凌浩渺星野仰昭回地在牽牛外人疑跨鶴來兜裏傳夕

警幟府急邊才一紙袁宏檄馮鞍待爾裁

臺事

專征誰仗鉞戡亂在稱干兩鼠穴中鬪諸軍壁上觀曾無披羽
氣徒想陷冰丸灞上真兒戲多應媿鵬冠

米向矛頭浙書從盾鼻磨已知魚在釜更恐雉羅羅繼觸成何
事鯨鯢莫共科瘡痍皆赤子好爲手親摩

白沙墩畔路瓦礫浩漫漫赤炬燔霄燄青燐照夜寒茫茫惟斷
骨宏演尙殘肝掩骼非京觀經過不忍看

後壠昔衝要停驂夜寂寥地荒稀吠犬樹老慣棲鴉經難人情
促乘危物意驕尙欣新雨沃連戶急須招

盼澤三秋急爲霖正及時已欣蘇稼穡復恐濕旌旗移帳搜山
久懸軍搗穴遲遊魂終不貸先爲起飢羸

何意天邊月頻從海外看
鯨牙猶未拔蟾魄又將殘
照野威弧動連營畫角寒
飛書佇奏捷埃火報平安

大甲

部伍森嚴不待招平沙萬幕
竈烟消懸旗影靜中天月傳
箭聲喧半夜潮颿鼠技窮情
欲變驕驕芻飽氣方驕一時
分道爭趨險出手何人看得
梟

竹塹道中

積雨新晴驛路涼西風作意
洗秋光浪傳碧海通仙島
賸喜青山似故鄉白鶴飛歸
但城郭紅羊換劫小滄桑樓
船徐福知何處莫信龍宮不
死方

吞霄

婚媾洽比總芳隣客易爭
桑起戰塵盡化蟲沙成底事
劇憐蠻

觸竟何因巢中碧火空燔樹家畔青燐不照人愁絕明年春草
色荒原依舊一番新

送黃副戎

其漢

率師入三灣

海上秋風又欲殘軍書旁午尙飛翰瘴雲百疊礪巢險陰雨連
番鐵甲寒盜賊祇今勞獮雉功名自古出艱難凱歸佇爾撿渠
日鏡吹聲中萬姓看

木芙蓉

獨立西風後嘉名擅拒霜何須嗟晚嫁特與占秋光似醉流霞
酒偏宜楚客裳淺深知有意豔極是斜陽

重陽節近風雨竟夕書悶

佳節由來畏獨醒燈前衰影更伶俜首書久向天邊斷風雨偏
從海上聽鴉誰迢遙迷北極鱣魚颯遡沸東溟登高莫負龍山

會到處蒼崖可勒銘

九日

移來氈帳便爲家佳節蕭條感物華
九日依然飛白羽三秋渾未見黃花
韜鈴媿乏安邊策浩渺遙乘貫斗查
蒿目陸沈誰致此每思夷甫起長嗟

三灣戲題

洞口雲封白晝閒林深無路水潺潺
仙人去後桃花謝自爲胡麻不出山

風雨書悶

縱使吳兒木石腸到來不許不思鄉
入秋風急都成雨向夕寒深未隕霜
腹苦河魚持酒禁脚愁海蛤檢醫方
荷戈最憫三千士未解嚴裝鐵裊襠

曉起

瀕海夜多聞無寐常輾轉風聲與濤聲側耳聽不辨侵晨獨開
戶青天片雲卷草根濕微霜樹嶺流初睨菊香寒更清蓉姿曉
猶淺我生媿勞薪微外經屢踐風景良不殊卽事貴善遣

淡水

淡南風物劇堪悲破浪奔波怪爾爲人盡流民多失業地無古
蹟漫題詩趁墟淒楚吹牛角牒社紛紜稅鹿皮應是秭歸飛不
到不教遷客動歸思

夜坐

紛紛黃葉覆蒼苔寒信驚從地底回月色易沈嵐瘴外風聲直
挾海濤來三盃濁酒聊斟酌一卷殘燈自闔開望裏中原何處
是明朝攜杖最高臺

書悶

天涯霜露漸淒其老樹商飈日夕吹
花草離離仍滿地怪他風景不宜詩

登臺

遺愁無處一登臺日莫西風少鴈來
山繞人烟依地盡查浮海浪接天迴
歸期回首青門遠世事驚心白髮催
安得櫓檣看淨掃便從此路訪蓬萊

大風

塹城去海僅十里風吹海水立而起
浪花卷入青雲端飛雨晴空灑城裏
雨聲急處風更豪萬竅不約同呼號
鬼神行空陷日轂蛟龍起陸乘秋濤
中庭枯木無枝葉百尺檣空忽摧拉
已驚僵仆旋欲飛卷地迴風掖之立
我時兀坐默不言風水直挾心

飛翻不知陽鳥匿何處未到蒙谷先黃昏虛堂曠慘忽已莫入
夜蓬蓬氣逾怒土囊決口六鵬迴天柱頽空巨鼇師我聞洪範
厥咎蒙昧薄不似蘭臺雄條支占律方入貢胡爲振野飄驚蓬
又聞颶風應九降鬣尾半天橫斷虹去聲蜚廉怪我久滯留欲送
歸艤駕高浪災祥神意不可量向晨風止日照梁開戶乾坤豁
呈露仰視雲氣微飄揚乃知一噫聊戲耳海國見慣皆尋常

番刈

漢奸蓄髮涅面娶番婦者之稱俗亦名番割

生番愛酒兼愛鹽螺珠花鬪猩猩麝荒涼石碕誰與市祇有番

刈能來前界畫分明土牛趾過此一步罪殊死

漢番以土牛爲界過者論斬

番刈行行去復還路僻縣官誰到此林深箐暗不見天藤梢棘

刺紛鈎牽番刈行行坦無闕籠頭髻帽橫腰鎌

山中荆棘路以藤爲帽以

漆髹之垂首皮幣論斤不論幅膏腴博醉不博錢邇來利市常

十倍賤稅社課年年添麻目底六番語番中婦蓄髮雕青更牽

手番語指搗麻達年少同教樣作使姑籠番語如厥狗番語

入山貿易欺其愚利市十倍既與番習則蓄髮爭傳道旁

番殺人頭顱亡失尸猶存豈知番刈坐收利南塘一出無王名

番嗜殺得人首塗以金色藏諸高閣以多少較勝負番刈欲為

明日官來勘行迹傳喚隘丁無處覘通事頭家盡漏厄戈甲臺

田畝以戈甲計二十五戈為田園但空籍設隘丁以防生番出

之分久之以糧皆為官語官不用僉隘丁官租私稅空紛綸稱

名番刈終須刈俗名番刈者言生番依舊無懷民

三灣旋師

蕭蕭班馬脫銜鑲挂壁昭弓已罷灣壯士爭誇身手健參軍不

厭語音蠻鈴聲韻閑清秋迴槐影移階白晝閒插羽書停歸計
近先看廷史被愁顏

別菊示李信齋

慎齋

大令

海外見黃花相逢如舊識開榮瘴烟中不改東籬色憔悴枝葉
傷初向擔頭得托根不擇地憐汝困荆棘解縛種盆盎位置幽
欄側清泉爲洒濯涼風自聲逸翠葉漸欲舉似已蠲宿疾凌晨
挹清芬吟玩至日昃豈繫臭味同貴此傲霜質明當舍之去相
顧意悽惻呼童重灌溉爲德媿未卒榮悴渠有命芳香我自恤
丁甯後來人殷勤好封植三復角弓詩勿使前功失

自竹塹還半線道中見流民歸里版築方興喜而有作

馬首盡漿夾道迎周環百堵喜初成偃旌人去風清野扶耒農
歸雨洗兵雞犬新豐如舊識烏鳥齊幕有歡聲五材莫道無偏

廢息壤休淪瑣澤盟

番社竹枝詞

固居新製向人誇圓頂扶闌似覆甍不信春深無瘴癘山柑門

外已開花

屋生番作室曰固居木椽竹牆蓋以茅草兩大扇合爲屋頂狀如覆舟其前廊以竹木爲橋拾級以登周以

關楠山柑花開則無瘴

行歌按節共相春縹緲聲傳第幾峰曉夢醒時渾不辨仁疑編

磬與編鐘

春米利巨木爲白高二尺許空其底旁竅三四孔擊以杵左右上下按節旋行歌以相之將旦邨舍丁東

之音遠聞颺若疎鐘清磬不辨爲何聲也

身手由來善射生竹枝弓弩不須檠蟻窠落地誰知得出草先

占草雀聲

竹枝爲弓藤紵爲弦漬以鹿血堅韌過絲草矢粘雜羽爲鈴用以射鹿名曰出草將出先聽鳥聲占吉凶

鳥白尾番語曰番在卽草雀也

反復書宜玉版牋佉盧遺製左行偏年來楚楚青衿子誦得葩

經第幾篇

習紅毛字者曰教冊用鷲毛管刻其端龍墨橫書皆左行紙厚如帛反復書之東螺貓兒干社有燕髮出

應童子試者居然冠履能背誦毛詩

貓踢班身刺繡紋嘴琴私語月中聞自緣野處行多露愛著藤

皮白芋裏

貓踢未娶者之稱肩背手足皆刺花繡文熏黑烟以其絃以成聲或竅其中二寸許釘銅片彈以指如泥泥私語男女相遇男彈紫琴挑之意投即野合各以私物相贈歸告父母

乃迎娶半線以上多揉藤皮為

帶色白如芋曉行以禦草露

檳榔送罷手隨牽紗帕車螯作聘錢問到年庚都不省數來明

月幾回圓

合婚有禮榔以白金為檳榔形貧家則用乾檳榔富者以紗帕為聘加溜灣等社有用車螯者問名皆不

知年歲但記月圓幾度耳

步節金鑣按隊行都盧詞句不分明誰知十六天魔舞却似魚

山梵唄聲

酒酣婦女連臂蹋歌似梵唄語不可曉每一節齊咻一聲以鳴金為起止

樹底秋千似紡車佛桑花放及春初爭看裾袂飄颻起一隊神

仙下碧虛

番女有渺綿氏之戲大畧卽所謂秋千也以渺爲飛

妝麗服招邀樹

底爭爲此戲

泰雲堂詩集卷十四

泰雲堂詩集卷十五

金鎖 孫爾準 平叔

拜 恩集

殘臘歸自臺陽燈節北上舟行螺江月色如畫有作寄榕城諸同人

纔卸歸帆自海東又隨北燕趁征鴻長亭折柳條猶短小閣傳柑燕未終放棹獨行金鑰外好山別貯玉壺中城頭燈火江頭月喧寂相思兩處同

螺江曉望

曉色葱蘢霧乍收扁舟江上溯寒流當年螺女不知處無數髻髮相向愁

湖鎮

水籤迢遞急星郵日落征帆未肯收
羨殺村人無箇事樹陰閑
看下灘舟

爲秦沁園題其配程默人自怡集

遙從淮海溯淵源
芍藥薔薇麗句存
不分元家矜月旦
強將山石與同論

研匣琉璃鎮日隨
吟成瞑寫好然脂
翻香小令金荃句
更衍微雲絕妙詞

賭茗紉書樂事新
還如郡掾贈詩頻
而今遺挂簾垂地
傷盡荀家奉倩神

蜀錦迴文爛漫裁
掃眉始信有奇才
慚無孝穆凌雲筆
手折鸞牋序玉臺

新柳

麴塵新穗乍生時
空裏浮黃不著枝
爲問何人工比擬
嫩于金色軟于絲

吳興道中

二月茗谿水浸磯
舟行終日漾清暉
紅深杜牧尋春路
綠上元真釣雨衣
西塞山前魚正美
東林寺裏鶴應歸
何時却許浮家住
卧聽漁歌無是非

石湖

石湖湖畔路惆悵
繫船時暖信飄梅
雪春流漾酒旗黃
壚陳迹在青翰故
人思
息壤言終負歸期
未有期

登北固山甘露寺

欲破騷人眼界慳
試尋初地款禪關
香臺豈是人間世
壺嶠真逢海上山
六代茫茫飛鳥疾
孤雲漠漠定僧閒
何時卻把漁竿

去黃鵠磯頭占一灣

鳳皇山女校場

合圍疑鬪五家車左右旋分兩隊花怪底父仇渾不省可知師法在夫差

蓉湖錄別

乘流一艇泊湖干暢好江南二月殘芳草天涯仍遠道杏花風信尙餘寒盈顛白髮言歸暫照眼青山欲去難前路縱饒知已在離觴誰似弟兄歡

得果抑亭將軍書依韻卻寄

遙夜飛音響過鴻一槭傳到意匆匆陳邇尺牘收藏貴長慶詩篇格韻同歸夢枕椰春雨外驛程楊柳夕陽中洗塵預約官齋好斫膾池臺似閬蓬

啓署亭池最勝詩來預有蒲觴之約

寄韓芸叟即用前韻

蹤跡差池似鴛鴦來離合更匆匆三句欵語情猶鬱千里傳

書意每同布穀鳥呼新雨後輸糧鷁汎大瀛中

書來仲春得雨
霑足奏請募商

由海起浙糴米
應募者甚衆

卻愁春晚齊東路亢旱驚沙短鬢蓬

寄吳荷屋鄂雲浦王平遠何寅士仍用前韻

霄路聯翩選鴈鴻獨憐贈策苦匆匆勞薪自分馳驅慣合幽欣
逢臭味同行省政成羣策裏坐論益廣集思中遙知語雨開尊
夜定憶天涯有斷蓬

過沙墩作時道中方結旃禱雨

東郡殘春路氛霽暗曉瞰風高沙礫散旱久井泉渾徒競厄巫
暴當思孝婦冤道旁遺廟在

道旁有東
海孝婦廟

莫漫舉靈旂

過泰山

早歲曾攜綠玉筇
颺輪掖上最高峰
笠邊海日三更白
烏下齊煙九點濃
得句秋壇聲老鶴
投文夜壑起乖龍
今來濟勝嗟無具
夢繞天門第幾松

過泰安贈楊魯生

嗣曾

時權知郡事

詠罷霓裳記識君
翩翩英少最超羣
廿年候館萍蹤合
千里關河轍軌分
話月共追燕邸夜
爲霖初展岱宗雲
相看媿我頗毛白
別後音書莫厭勤

伴城

眼明沙路淨
薄雨洗浮埃
街日孤村出
穿林數騎來
地隣駢氏邑
雲接魯連臺
乘馬開臺日
經營憶霸才

臺灣剿撫事竣猥蒙

宮銜花翎荷橐之

錫煦齋師相枉詩見賀依韻賦答

吹唇駭浪沸潢池橫海戈船日夕馳六月師興傳檄遠七旬苗
格舞干遲尋讎習俗憐蝸角受牧何人怨繭絲戎馬生郊多賊
壘經過女兒敢題詩

廟略縱橫指示宜臣戮力効驅馳徙新客語籌應蚤食甚鴟
音草已遲爵弁影纓增羽翮用漢書龍樓侍輦拜
綸絲紫荷夙美朝儀貴白筆真慙紀

賜詩

十行丹詔促瓜期待策駢駢四牡馳籌海祇緣留後亟朝
天翻遣戒行遲頻頒褒語榮華袞更捧新篇擅色絲一曲陽春
難屬辭多慚商也可言詩

吟風立雪記當時一別門牆歲月馳沙路新增千尺峻經帷重
到五年遲憂時李令心如日忍事裴公鬢有絲極目蓬婆天萬

里出車誰詠采薇詩

穆鶴舫司空奉

命籌河用前韻賦贈

丹詔凌晨下玉墀重臣銜

命傳車馳所渠竹箭奔流駛轉漕雲帆入牖遲利濟大川資作

楫安瀾九曲走如絲太白詩黃河如絲天際來定知河復澶淵日羽服黃樓

好賦詩

琉璃河鐵槍歌

歐陽作史重死節立傳特褒王汝陽管城畫像不可見行人尙
說橋邊槍槍長百尺形不類是耶非耶誰能詳當時履棘草中
起一槍之勇時無比眼中勁敵知是誰鬪雞小兒李亞子河北
已失爭楊劉負薪夾塞填河流南城破來祇三日鐵槍入處銀

鎗愁吾曹甯死沙
隨手盡爭論亦何有
河上軍皆屬段疑中
都無畢焉能守朝梁
莫晉真吾恥豹死留
皮生自矢良禽擇木
臣擇君男兒竟爲朱
三死君不見麥鐵杖
槍一丈威沈光枉徇
江都圍封金終自逃
曹操効命何煩獎典
章

齊州道中雜咏

昨日淮壖別故關
河流無復響潺湲
搖鞭行入紅花埭
回首江南一髮山

夾隄高樹遠籠煙
行過長橋欲曙天
一種曉風殘月路
填詞不稱柳屯田

行人多坐獨輪車
策蹇黃塵不厭賒
此似扁舟差較穩
風帆葉葉走平沙

一樣礮礮犖角山
近如赤鷁遠如黠
妍媸何用生分別
只在車

輪轉換間

村盲負鼓趁墟場愛說英雄紀小唐爲是燕齊風氣勁彈詞不
唱蔡中郎

述職南旋晴芬司農表兄題扇贈別依韻奉酬

壤箕凌晨調

帝臺晚過履道趁朝回披衿乍喜宗欽共對榻還從茂叔來捉
扇題詩勞妄歎登壇籌筆媿非才惟應神暑炎埃裏長路揚仁
自闔開

早年共有滄洲興遲莫難忘白閣期成佛要須緣覺後遊仙誰
是夢醒時彤廷衮職嗟何補青鏡顛毛各有絲也似王晞思爛
熟躊躇終爲感

恩私

揚州贈張雲巢

青選

差使

邗溝鑿後擅通津，紅旆繇來駐重臣。
仰屋方勞籌餽急，權場何策起商貧。
鮆魚綱到聊開譙，芍藥花濃已過春。
越客楚帆資挽餽，濟時劉晏彼何人。

泊富春

挂席夢兒亭，弭棹富春郭。
聞堰浪方浮，赤圻潮已落。
山城靜蜿蜒，人烟紛漠漠。
斜照耿譙額，緒風颺旗腳。
臨流懷謝客，剖符縻好爵。
枉帆別鄰里，鳴笳韻蘭薄。
清思絢雲霞，高情湛林壑。
至今攬清暉，新詩緬如昨。
翳予櫻世務，維繫媿場藿。
何時濯塵纓，却理尋山屨。

桐廬

瀧名纔七里，乃有千萬曲。
羣峰蒼深騰倒影，涵衆綠
逸鑑色可

染試汲清如玉一瓢資盥漱盡洗腸胃俗齒牙榮生花出語謝
繚繚沿流信迴轉遐眺緬仙躅風過藥草香爲棟桐君錄

七里瀧

繡嶺迴環映碧江鷓鴣堰接釣臺躡祇宜一舸攜笭簞來往風
吹不出瀧

桐君采藥去何之繫艇來尋水上祠飛盡白雲濃綠合畫眉聲
裏雨如絲

楓嶺

驛路何辭叱馭勤雄關盡處越甌分莫寒樹底鳩呼雨夜火山
頭犬吠雲地險尙嚴懸鼓禁時清不廢習流軍却思壁壘防邊
日笳角聲傳曉夕聞

灘聲

泉聲使人閒灘聲使人忙去灘尙數里弭棹停孤航溫汾復賁
迅似抑旋更揚入夜響逾厲拍枕驚雷硠無乃地軸迴噏噓陷
頽陽不然陰火然呀呬揚沸湯忽疑奮厥武勇士赴敵場前軍
突後隊轟輶爭騰裴又疑古志士萬言溢其吭一吐失先後嚼
沓不可詳聽之不成寐挑燈起傍徨平生事萬端一時集中腸
併入灘聲中犇騰逐流光百年竟何成頽尾憐河魴何如漱甘
潔歸卧漪瀾堂

建江

五月暑已酷扁舟嗟毒淫雲絲銜壁細日腳插江深頽尾魚吹
沫梳翎鶴在陰滄浪有常釣終媿掉頭吟

泰雲堂詩集卷十五

泰雲堂詩集卷十六

金鎖 孫爾準 平叔

岐海集

夜坐

白露濕瑤堦涼氣生金井片月上疎桐滿地玲瓏影

古意

夢裏憶新歡門邊尋宿約貪折玉梅花不道金釵落

病起小園行藥

小園扶杖去秋氣已蕭慘薄病疎綦跡端居動越吟寒花無冶色夕鳥有歸心何限人間事清霜向鬢深

蔡端明品荔圖

少陵詩句憶瀟湘說酸甜語未公不是背陽爲題品開園誰

辨火山紅

爭誇釘坐有真人比似姚黃兩絕倫
猶幸不隨團月貢免教飛磴走紅塵

癡態由來未可窮龍牙鳳爪遍芳叢
莫矜片語曾成識誤認方家一品紅

舊說楓亭最足珍晶丸今更數漳濱
雌黃誰擅陽秋筆好爲端明作盡臣

絕品仍憐未遍嘗江家綠與宋家香
驚心又近紅雲社留滯南州已十霜

爲施石臣題碧社續盟圖

吾鄉前明秦脩敬集十人仿香山故事爲會名碧山吟社
沈石田爲之圖至我

朝乾隆庚寅辛卯閒鄒大宗伯一桂張文恪公泰開華大

令西植施大令禹言華舍人希閣顧廣文遷鄒太守

雲城顧封翁建元曹經厯之炎鄒光祿捷復為會圖

以志之曰碧社續盟藏晴沙觀察家觀察為振川封翁

子既而失之訥齋大令後人庭佩石購得之屬予為詩

履道坊宅香山賓九人一一傳丹青睢陽洛陽復踵起其數或

減或有增是皆簪盍四方彥如滿尚復參以僧豈如吾鄉十室

邑士不外索羅耆英碧山吟社初宏治厯三百載猶代興蒼松

喬嶽互暉映後先成數無虧羸其間二老洵大老道符平格揚

王廷祝

釐圖形在中禁金章鶴髮神逾清穆天經國佐

文治要與麟閣分鴻勳拂衣歸乞鑑湖曲濯纓正愜滄浪情張

兄殷丈互招喚拍肩挹袂相扶行出世爭尋遂初服處士尙戴
華陽巾疑年計過七百歲春秋積算踰大椿古華山深芳晝永
卧雲石畔陳罍尊瑤草香生石門曉絳桃花點丹臺春清嘯如
聞鸞鶴侶沈醉合作羲皇民骨青髓綠自美好服食屏却常春
藤太平人瑞共傳說好事寫入金花綾銀盃羽化忽飛去楚弓
楚得歸雲初寒池頓喜還舊觀寶之遠過傳家籙我生太息百
年後東方何處瞻歲星平頭六十來歲是望秋蒲柳驚先零眷
戀
君恩未能去回首空愧三休亭支筇何日尋舊隱松根一醉風
吹醒

題黎二樵詩集

昔見二樵以古錦袱裹所作詩塗道不管再四終不愜

意輒削去不錄檢其初稿實佳作也後刻五百四峯堂集多與原藁不同意甚惜之頃荷屋方伯出示二冊中多未經改削之作可寶也

女蘿爲帶載蓉旂奇服山阿世所希火繭氷蠶都不御仙人只著六銖衣

嘔出心肝太好奇良材半向爨中遭誰知古錦囊中句初寫黃庭恰好時

蟬韻桐陰十八篇玉谿擬罷更樊川零珠斷璧皆環寶遺集誰收沈下賢

聽雨

斜陽覆地濕潛蒸欲了官書苦未能入夜蕉梧齊送響一窗寒色暈青鐙

爲恭甫題黃忠端公畫寶晉齋研山圖

寶晉研山圖者誰前有元章後仲圭忠端大儒擅絕學游藝乃
復能多師南唐龍尾付塵刳宣和艮岳亡餘基流傳文穆更文
恪惟此厯厯猶堪稽當年投贈出秀水不肖瓊裹充提攜興來
縱筆出摹寫慶雲瑞露蒸靈芝三十六峯擬華蓋圖式傳自陶
宗儀旁觀嗤點訝不類所見毋乃隣兒嬉繇來堅硤挺天縱詎
宜刻劃工毫釐星精夜隕宋都震雲華秋裂媯皇遺斷鼇縱翻
心不轉沈犀雖泐骨自奇亡國愁顏終莫洗蟾蜍有淚流生漪
鼇峯太史私淑久編排遺集右手舐殺青寫定知有日直從夢
寐傳金篴忽逢手蹟感神貺傳觀素侶爭留題箕尾嵒嶸墨花
黯特立如覩孤忠姿仇池雲峽浪珍弄惟有信國玉帶堪攀躋
却憐米老具袍笏低首石兄空爾爲

題黃忠端寄黃東厓景助手札

千言籌筆值危疑想見孤忠盡瘁時四鎮熊羆相搏噬一軍猿鶴自支持徒聞尹玉皆從死并少王翊爲犒師大滌遺書嗟久佚何因勒向洞霄祠

小園

飛雨簷端歇雲銷已見星明蟾如有約先到竹閒亭人淡琴心靜涼生石氣青絃聲雜流水餘響共泠泠

題小李將軍畫海市圖

唐宗大小將軍李畫苑爭傳名父子曾繪離宮殿前水靜夜湍流鳴不已開寶往事餘千年興慶圖藉成灰烟豈知神物有呵護人間絹素猶流傳碧波翠巘渺無際使我展卷心茫然紫石黃腫粲堪數圓嶠方壺如可睹倒景厖厖開扶桑仙遊隱隱藏

懸圃金支翠羽窈冥來霞窗霧閣參差吐蓬嶼凌虛貝闕連馬
銜邀路馮夷舞采藥疑逢徐福船射魚尚有秦皇弩動影恍惚
沖瀾閒突過元虛賦中語眼明對此心神開奇觀自昔誇東萊
珊瑚洲近接漳浦異境時見雲濤堆周櫟園書影言神山欲近
風輒引乘槎兩度嗟空回鞭笞起蟄出霜曉始信玉局真仙才
青紅浮空本無物頃刻東風隨變滅萬象已失蒼浪天千秋却
賸丹青筆人生何者是主賓物理從茲悟虛實還君畫圖嗒然
坐猶聽驚潮滿寥泲

張詩船戶部典試閩中出其伯祖文敏公小像屬題文敏
公於雍正二年甲辰主試至閩蓋百有五年矣

展幰欣瞻金粟像臨池舊識玉豪光鳴騶更度連鰲頂授記重
開選佛場衣鉢一家成故事生徒奕世比新昌用楊嗣復事別留翰

墨因緣在卅載蕭齋奉瓊香余舊藏淳化閣帖後有文敏小像

一題徐秋潭將軍田盤三沙兩集卽送其鎮綏靖

昔讀少保城南田盤詩落葉歸雅紛在眼竭來訪古到橫嶼壁

墨風雲入遐眇文謨武略繼者誰秋潭將軍洵其選將軍譜系

出中山仍世勛名歷清顯翁歸文武唯所須右毅黃聞左青簡

贊皇筮仕陋科名宇文早歲從橐韞生年三十專城居鞭撻乖

龍如蜺螭是時鳳尾海盜幫名海氛惡百葉紅帆若蓬轉將軍身爲

士卒先射賊關弓箭親撚百金之士爭選鏖舊部歸趨足重繭

但看鯨鱣刺戈鋌何似鴛鴦舞舞桺笳楊僕纔收南海帆寇老重

司北門鍵授鉞羣瞻幕府尊校旗特重驅劉典

鑿與鳳旆值

時巡屬車豹尾陪秋獮金法圖從風后傳玉鈐陣自軒皇演射

獲爭翹日暈圓詩成獨得

天顏莞衣著鸞黃染御香纓影雀弁垂雕璫非常顏色

賜臨軒獨答

諮詢隨步輩男兒許

國効馳驅絕漠天山無界限叱馭何辭萬里行迴樞更喜三山
踐相思廿載始相逢無奈情深結歡淺進秩方欣

鳳詔迴總戎益看龍韜展武谿沅水引旌旗
送君雙轡朝

天行愁聽驪歌設清餞鎮聞還盼八騶來驛路棠陰戒勿翦

秋日招馮雲伯

登府

胡寄珊

寶謙

潘鳳書

錫侯

看菊小飲

雲伯卽席有作次韻

雅游岸幘好相於契密何妨禮法疎
剪印帖搜開寶上題襟詩

就笑談餘坐聯素侶皆鄉語徑有黃花卽我廬欲采寒香商出處重來陶令意何如雲伯舊令將樂茲復有出山之意

題吳西林成棟渡海從軍圖

書生初試白鵬冠狎浪方飛赤白丸劇喜枚陳能草檄直教屈宋作衙官筆鋒畫海鯨濤徙劍氣橫秋嶺嶼寒下瀨媿無嘉績紀磨厓百丈待君棹

題董香光待漏圖

筆斷書成獻紫宸魚須鵠立儼垂紳君王屬目承華早識得當時舊講臣

蕭散風神宦意疎乞休何事八旬餘可知剪燭圖成夜已入中山篋裏書

題陳石士

用光

閣學秣陵使草

一行

丹詔渙黃麻星漢初乘八月查使節三山開壯觀文章六代掃
風華諸生誰擅凌雲草故事還賡鎖院茶却憶舊時都講地重
尋題句已籠紗

題馮柳東勺園圖

隱之人廣州一畝不改操謝公慕清流企石返雲嶠出處雖不
同均爲智者樂馮君本仙吏捧檄到瀛徼拂衣未暖席柴桑有
同調歸尋獨樂園鄰里莞一笑流泉繞屋下一碧淡相照尺水
靜無波空綸寄常釣興來汗漫遊舊境重吟眺人生苦匏繫不
隨意所造羨君解天駁來往任蹠蹠我在海壖十年頭不掉
回首龍縫泉颺徑翳藜藿何時歸舊谿共放山陰棹跂脚漪瀾
堂松風煮茶鉞

偕陳石士前輩曉入華林寺

隔院精藍望裏深出門步履共招尋
春晴花湧金銀氣晨誦潮翻頌洞音
已過中年欣淨域偶逢初地愜幽襟
何時蓮社同歸去證取風幡不動心

登釣龍臺懷王鶴村

其福

闌楯青霄上蓬壺碧澗間
築臺人已去攜屐我重攀
月印釣龍水雲銜跨鯉山東菑遺頌
在迤石悵船還

寄馮菊人

清聘

時守紹興

東方千騎領諸侯占取蓬萊作宦遊
絲竹攜家薇洞晚樓臺倒景鏡湖秋
因吟桐月懷元相每溯樵風跂子猷
寄語相期殘雪夜思君好放剡谿舟

苦旱自責詩

曜靈燿鳥次大地騰洪鑪宇宙信云廣
息蔭曾無區入林摘葉卷涉澤蹇芬
枯擁暘軫行子腊肌閼農夫龍骨挂屋
杙鱗隰乏沮洳自非政令乖胡此毒熱
痛縈繩掃壇往圭璧自郊徂雩舞劇求
索雲歌甚噫吁西瞻朝隤散東恨雌霓
虛土龍但矯首泥燕無翔衢精誠不自
責胡爲厲阼巫不見新都諒曝庭起雲
膚聞晴芬兄歸里却寄

藹藹東都祖帳頻從風一葉下南瀕
授書久繫阿衡望投牒翻收自在身
崔益成陰門有客牛衣對泣室無人
懸知白傅歸來日佛火蒲團懺淨因

賜金趣賣散榆枌排日招邀樂事殷
竹簟風前攜舊侶玉堂天上語新聞
平橋花放君思我泐水萸香我憶君
何日欄衫偕入市盤鈴閒看到斜曛

題沈石田畫卷

橘社鱸莊舊往還歸心日夕繞鄉關三高亭下春波闊認得支

硯數尺山

袍翁題識石翁圖北客吟成寫得無想見扁舟招隱去風流二

老冠東吳

題韓芸昉中丞龍湫燕坐圖

自言繪圖時方捕海盜

天孫織綃九天上銀梭脫手三千丈靈湫老龍起攫之玉屑雲
英紛震蕩天荒地老閱莫開詎那尊者從西來一朝卓錫結茆
任至今亭子名忘歸往劫迢迢歷千祀兜率翻身重出世仙吏
爭傳樹羽來寶公自記金環誌迴首前因一刹那團蒲舊迹山
之阿風輪度世值小劫毒龍五百揚洪波要憑閱誓掃狂孽正
仗定力降諸魔放仗波旬齊膜拜面壁冥心觀自在手翻海藏

倒龍宮大千洗出青蓮界數息仍依祇樹邊安禪正與蒼厓對
而今六詔更七閩行脚到處生陽春天瓢馬鬣一萬里灑作霖
雨甦疲民自憐面目黃塵改袈裟認取當年人往事青紅消幻
蜃心如古水波濤定證果還留色相身寫真自結趺跏影我生
有願企禪宗自別青霞沒舊蹤何時柳栗從公去一洗平生芥
蒂胸

有作寄晴芬

早慕忘機樂靜閒仍攬世網是非閒爲貪美蔭懲黃雀故啓雕
樊放白鷗金絡籠頭真自困泥塗曳尾好知還日長一枕松風
夢婉憶通明已閉關

壽陳恭甫六十

南州大雅仰扶輪爭慕風流效塾巾藏室書歸周柱史名山論

著漢經神博通夾漈空前輩兼擅長蘆有替人夾漈積數十年

樂天文地理蟲魚草木之學皆有著述又討論圖譜三書君之

學實似之國朝碩儒林立而撲學之外兼擅六詩三筆者頗

難其人惟小長蘆奄有衆脩到鄉媛原是福每來山館輒逡巡

長以君僊之殆無婉色人間爭說魯靈光六十平頭鬢未蒼服餌無須赤松子畫圖久

戀白雲鄉君乞養歸閒居燕喜依紗幔清話從容數玉堂停却

輜軒開講舍新陰桃李謫門牆

蓉湖擎棹締交先嘉慶辛酉君入都聯步花甌證宿緣逮我下

車趨拜日是君鍵戶著書年東甌史筆千秋擅著東越儒林左

海集文編萬口傳況有符郎能徧讀故應長戀在山泉

鈴齋躑躅每相迎捉麈談深見性情裴秀知能周郡國子瞻人

惜未公卿且勞文獻徵前事爲誌方輿紀太平時奉延一曲琅

璈將進酒二分春色滿榕城

題曹能始自書端陽詩

野史纔成禍已隨拂衣歸詠石倉詩若教卜築匡山就儒藏脩成自一奇

角黍蒲觴蜀國絃幾回重午醉西川珠簾畫舫渾如夢憶別蓉湖廿四年

題林陽谷

賓日飼鶴圖

瑤臺有逸翮云是仙人驥馴之脩竹堂飼以瓊花毬三疊舞琴心養性夙所寄一朝跨之去雲衢自遊戲唯餘圖中人坐石若有企蕉衫謝金章風骨自超異舊學遡龍湖自昔談經地河洛守遺傳諸生析微義鳴陰況能和培風在雙翅詎蕩鷗雲霄羣瞻羽儀瑞乃知晉公廬足驗三槐志他年裴相島更拜銜珠賜飲芸昉中丞杏花村酒賦謝

杏花村枕汾水濱村中風氣含古春春光駘蕩何所著散入汾
酒清而醇世人題品誇勁痒其間真僞誰能分我生小戶氣先
攝聞名戲額愁沾唇先生一笑爲洗謗特傾家釀來娛賓定薤
滿瀉色無別梨花遜白梅遜芬揚州雪液未堪擬劉家白墮安
足珍一酌面皺舒再酌骨髓醺三酌華胥在人世太和益益還
其真元忠豈知僕射樂陶潛本是羲皇人麴生風味有如此世
間耳食猶紛紛先生辨酒如辨土淄澠一滴區醅淳杜康千載
尙冥感當世那有銜冤民君不見洛陽糟邱心莫逆太白詩寄
元參軍東坡吟索六從事北海百榼言津津媿無好句答嘉貺
使我未醉顏先頰十日願追河朔飲餘瀝宵祭勾芒神行沽倘
許向西笑錦坊豔拂青帘新濡頭腐脇無不可莫待落花亂打
劉伶墳

題陳石士焦山紀遊圖用東坡詩韻

海雲香界深耽耽夜禪入夢尋淮南詰朝展圖見翠嶺烟水往
復三千三圖中有客興方逸笑我病卧如春蠶焦先堂上記招
手十年不到心懷慚壯遊却羨玉堂彥輕帆直過菖蒲潭山川
文采相映發梅檀風日方清酣胎仙蛻骨訪遺碣驪龍偃浪聽
雄談叅禪故事徵玉帶呈佛好句留珠龜名山有靈感知已自
厓欲別情難甘生綃貌取入行極烟霞有癖何妨貪何如共結
香火社打鐘汲水吾猶堪鶴林寺側餘淨土海東勿戀桃榔庵

泰靈堂詩集卷十七

金鎖 孫爾準 平叔

苑兵集

三角埕題壁

餘春池沼點青錢可惜來非齒
蒼天桑下浮屠曾一宿花前過
客又三年蒲團暫憩塵中躅
茶串聊參靜裏禪前路雲山正相
待更教侵曉著吟鞭

渡烏龍江

江頭一炷薦椒馨百步先聞響
怒雷濤勢合流趨海壯硤形中
斷向天開鳴笳疊鼓驚鳧迅
擊汰張帆空翠來形勝居然雄鎖
鑰地靈應有不凡才

興化

朝嵐銜日紺玉鮮香爐沈沈生紫烟綠秧刺水平漠漠蝴蝶翻
風無處落低橋百尺枕水眠祇通人行不通船串月畫船如畫
閣令人却憶江南樂

送春日興化道中作

峭寒驟暖幾番經帽影鞭絲去不停一片落花縈馬首始知春
已在岐亭

龍巖

過盡松陰射曉曦駐師橋畔問湖邨欲尋丞相題詩處擊石誰
招朱鳥魂

試從仙掌認仙家指點猶封洞口霞青壁千尋無路上天風吹
下碧桃花

林田

山深鬱風氣朝日草木香濡露尙涓滴浮綠生衣裳徑轉左厓
豁秀色開平場人家倚山麓應節初分秧習劬若有得美此引
興長我行日有程欲任刻不遑農歌樂相答回首懷江鄉

歸權將抵會城阻雨小泊竟夕不寐口占

扁舟前路載欣奔縲纒何期傍樹根十里城頭笳吹斷一宵篷
背雨聲喧預愁候騎掀泥淖却盼行軒趁曉瞰咫尺江湖無定
跡何煩李王與推論

驛夜

雨約清涼到夢迴山驛空衾寒人擁絮窻暗燭搖風狼宿臨關
右齋身陷洛中有懷三輔地欲話與誰同

陀市雨餘曉發

纔歇檐聲便據鞦望中平野尙漫漫峽琴石齒調殘曲雲絮山

頭護曉寒行役已教成習慣泥塗且莫怨艱難接空禾黍油
綠一路先聽薜屋歡

溫州示郡守呂仲瑛

子班

山水東甌自昔傳查浮赤石接風烟莫教王琇驚山賊見說孫
恩葬水仙浪偃鯨身欣此日幫聯鳳尾憶當年撫綏只有樓攻
媿願免防秋勸力田

龍母祠

世間恠事無不有蒼山乃有誕龍母母氏曰周或曰江年方及
笄女非婦浣紗得石忽有娠不異磐精吞在口父疑母詈不自
明臨募捐軀赴清瀏龍生豈期學蜥蜴母腹居然遭齟齬時代
惻惻不可知龍去昇天母骨朽何人好事爲立祠傳以青黃成
土偶傳聞尙有夫容衫血漬斑斑仍世守明嘉靖年歲大旱禱

禱無靈星在霄翦衫如掌試一焚空堂儻忽騰蠕商羊石燕
隨指呼疾比靈符纏左肘陵谷瀕洞木斯拔壇席依然尊湛酒
血衫已盡今迎神前驅所到甘盈缶惟虞中路肆豪奪盛陳儀
衛嚴干擷我聞鱗屬三百六幽明出入龍稱首祖洲舊有千金
方起死回生猶反手貝闕鱗堂奉母居食以五花千萬壽胡爲
塵世歆血食指撝漫逐風靈走智蟲之智乃若斯余且魚服誰
之咎繇來此語胡所徵藉藉流傳千載後水官棄矣疇得知無
乃聞之亡是叟

永嘉道中

西射堂何處垂鞭問去程花濃蕭寺路草占謝村名丹壁題詩
在雲梯蠟屐行清暉自晉旦不盡古今情

夫容村

山水英靈到已驚圖經早歲豔村名秋邊有夢通滄海望裏如
霞接赤城草樹都含丹藥氣澗泉猶學珮環聲胡麻飯未離塵
劫願逐龍湫杖錫行

台州登四照樓

疊巘浮晴翠掃空雲膚俄頃詫神工登樓得句來天外小雨移
山入畫中流水桃花仙子室金庭芝館化人宮靈源咫尺猶難
到已似開元鶴髮翁

鴈池

鴈池奇絕冠山靈卓錫東來始築亭却怪謝公開鑿手當時屐
齒未曾經

宿孟海紫光寺

到門雙樹帶垂藤暫嚮精藍寄曲肱星駕謾言乘傳客雲堂恰

似借單僧憩餘香霏隨風散靜裏齋鐘報月昇回憶少時曾畫
粥塵容媿對佛前燈

明州東方嶺齋

東南形勝甬中饒管領重煩借寇遙地控扶桑先見日波騰爛
甚易聞潮關嚴鎖錦無飛牡盜逐萑苻有徙梟卽事尙煩紆畫
策深談坐到篆香消

紹興懷古

焚舟誰念燼餘灰采葛歌成石室回存魯師如荼火去沼吳人
自苧羅來五千甲楯傾強敵龍虎山川逞霸才今日登臨亦蕭
瑟鷓鴣飛上越王臺

富貴繇來召禍因却欣畫繡炫鄉人虎符乘傳許莊助駟馬還
家說買臣友壻難忘前日態故妻徒逐後車塵要知白首同歸

處莫怨張湯報復神

蕭山與何寅士夜話

烏榜招尋傍釣潭相逢各訝鬢毛鬚
吹脣欲沸三年事笑口徒供一夕談
蘭渚羣山欣拄笏葵千里夢抽簪
季鷹大有秋風興世路艱難已飽諳

嘉禾道中

歷歷樓臺倒影虛垂虹迤邐接通渠
思鄉漫詠吳趨曲懷古閑繙越絕書
秋色蕭蕭漁蕪外客愁渺渺鴈飛初
綠蕤結因何年事會景園邊好卜居

江頭

離管初殘夜漏鳴送行客散未成行
扁舟且向江頭泊卧聽秋潮萬鼓聲

寄書農

片帆挂西風過堰勢猶縱雲山滿前路吟賞但孤颿武林旬日
住冠蓋徒一閑惟有素心人跡疎誼彌重我來君不迎我去君
不送迢迢百里間脈脈兩情共識君通籍初倚裳日陪從紬書
天祿閣流覽快博綜析奇必互證得句輒交誦丹地方聯蹤青
霄忽分袂聚合如搏沙一散不可控羨君早知機歸抱漢陰甕
媿我尙游仙未醒邯鄲夢迷途盍知返相見恆自訟歲月不復
回空名竟何用誅茆擬就君來往如求仲

江行雜詩

笳吹凌晨競蒲帆向晚驕秋迎青嶂月人趁赤亭潮訪古情徒
切懷新路轉遙謝公遊眺處吟斷不堪招

楓葉冷斜陽秋容七里長荻洲藏欸乃漁舍倚郎當許劍亭何

處垂綸石已荒漫多懷古意吾興託滄浪

喧聲逢曉市漁艇集江干波淨谿成轂香清岸有蘭鳥傷分舊
縣羊卧冷仙壇會有著書興何憂石室寒
扁舟和鴈宿孤枕聽猿驚勝地逢秋好羈心入夜清藥香滋露
散水氣結陰輕若到千峯榭知應減宦情

江行

門外家家漁網懸買魚沽酒不論錢解維最好斜陽裏紅樹秋
山送客船

瑟瑟谿流碧四圍高秋雲物晚依微一襟詩思無人會却讓鷺
鷺眠釣磯

下灘

上灘如上天
下灘如入淵
逆流輟登阪
順流箭脫弦
船頭俯啄

駭欲沒却值檻泉厰沸推船直出羣峯巔羣峯兩岸騰萬馬驂
驕左右相後先不知輕舟隨渦旋轉不得住翻疑袖有秦皇鞭
回波乘間忽一駛但覺衆山倒走紛聯翩風帆篙櫓棄不用惟
恃船頭一人指撝持挺名長年人生失足在怪意況乃四旁銳
石相磨鑄垂堂之誠古所凜宗慤豪語非萬全螺女江頭幸出
險喜見船人酌酒企脚皆高眠

泰雲堂詩集卷十七

泰雲堂詩集卷十八

金鑽 孫爾準 平叔

思無邪齋集

題沈夢塘

學淵

東越脩書圖

人生不作蒙董仙便合東觀研長編鳳窠仙吏盡紅粉兩行椽
燭難金蓮却愁作史亦良苦後來文義紛拘牽退之行行號崛
强尙惕刑禍兼人天何如名山耽著述却勝藏室懷丹鉛江淹
畏難莫如志三長兼擅才非偏九丘八索旣茫昧山經體例猶
堪沿濫觴樂史好埒益思苞六合羅方圓三山秦漢一都會無
諸建國開瀛壖道山亭上一延攬蓬萊方丈森當前丹山碧水
孕奇秀蒼儒傑士如比肩其間物產亦殊絕綠茗丹荔含風煙
百年以來文獻佚問誰有筆能如椽休文賢裔習家學八志直

湖常塗先太邱道廣謂恭甫太史擅博物宮商互應聲相宣一時妙
選合羣彥坐擁油素排長筵訪奇欲過蜀都賦自注略仿山居
篇書成傳抄競紙貴入手何啻珍珠船畫長文讌亦不廢西湖
十頃花嬋娟綠陰疎雨稱高卧歸夢不復尋青田興來寫入行
看子他年勝事爭流傳好奇采異性所適遇合到處皆隨緣懸
知直筆鄙佛助一笑蚨蝶驚翩翩

西禪寺

吹面風和氣已暄連錢蹀躞趁朝暾出城薺麥茫茫綠側帽微
吟到寺門

題白將軍畫像

將軍名雲上字秋齋官江南平望都司盜賊屏迹遷揚
州遊擊金山參將終漕標副將官揚州時霖雨斷炊沿

江挽薪舟數百輪市億萬戶賴以火食又冒險救火至
今人頌不衰呼爲白將軍陳榕門相國與書獎勗終身
恪守其訓旣歿揚人祀之名宦祠

藏園作詩工寫生我誦詩識將軍名時清不上凌烟閣別開生
面圖丹青狻猊之鑿曼胡纓明光細鎧棠夷輕右手拂髯左按
劍秋氣颯爽橫眉衡將軍開闢江南北赤馬如龍馳殺賊鯨鯢
紛逃震澤宮銀蟾冷浸琉璃域維揚沈竈生蟻衣薪烝斷市炊
烟稀江船落帆爭避雨將軍檄到行如飛社中有鳥鳴嚶嚶神
鬼焦爛芙蓉旂手挽天河須壯士祝融亦避將軍威將軍此日
去已久遺事流傳滿人口蜀岡義冢邗水長將軍之名同不朽
承平文吏傲頗牧偃武靈臺埋暢轂恬熙豐熾生蘗芽先應誰
能窺左足君不見前年長水軍船迴青天白日轟霆雷殺人如

草莫敢問漉港處處浮肢骸又不見楚州游梟動千百艦船如山行不得跳梁猪子何足云捧到虎符爭動色黃騶少年竟誰是臨事至今思白起上游羽檄縱橫來不及桂林書一紙上書論定將軍功不媿廟祀千夫雄莫道書生一丁字足勝材官五石弓

午睡

一榻橫陳掩映深幽齋漏靜晝悄悄桺榴枕冷欹山字篤耨烟輕蕪水沈養疴有方唯習嬾清眠無夢爲安心睡餘情思馮誰說小啜茶香坐綠陰

中秋夕登明遠樓月色如畫四顧悄然獨坐有作

游雲盡揭湛玢璘寂靜文昌景更真最好中秋三五夕一時同夢八千人意中月府曾聞曲望裏星橋欲化銀明月紫雲同奏

技問誰得句果如神

填榜日簡陳石士學使

重陽漸近雨風顛
詰旦輕陰造榜天
卧病久疎桑落興
秋懷無那菊花妍
投簪媿我行難果
贈策愁君去獨先
莫悔白頭歸計晚
題名已誤卅年前

重九日病假

蕭檐風日透疎林
節物題糕入越吟
侵木莫扶垂老病
茱萸徒繫故鄉心
夢魂頻返黃花徑
寒信驚催白帝砧
歸計未成聊請告
暫閑簿領當抽簪

小園

莫厭芳園小
還思締搆勤
疏泉摹響瀑
壘石學晴雲
蝶下尋難隱
花香近易聞
病來疎把酒
閑坐到斜曛

曉聞鳥聲

西園多嘉樹羽族羣聚鳴客夢初喚回五更天欲明纏綿復嬌
銳百種不可名清機漸相引胸次曠無營猶嫌落城市未盡閒
關情舊山春二月幽逕無人行樹底坐聽之吟詩靜相賡煩君
聊比似兩部鼓吹聲

贈邱浩川傳海外牛種法治小兒痘症其術割臂微破見
血敷藥兩三日卽出痘一二顆結痂甚易終身不再發百
無一矢

夾白靈丹信有神不全吹鼻太酸辛阿難悟後都無染掃盡天
花不著身

陳聶傳書始李唐曾聞痘種自蠻鄉說見醫統可知根蒂非中土須
得龍宮海外方

烟霏每使鼻成壅
有酒徒矜琥珀濃
賴有靈丹能保赤
稍償流毒阿芙蓉

不寐

擁衾愁對短檠明
月苦霜寒近五更
拙宦每懷歸隱計
一宵常抱百年情
病來思膾真鄉味
老去聞雞是惡聲
祇有君恩猶未報
自嗟筋力媿餘生

卷十八

一

泰雲堂詩集卷十八